

REGLUGERÐ

um gildistöku framkvæmdarreglugerðar framkvæmdastjórnarinnar (ESB) 2017/186 um sérstök skilyrði sem gilda um aðflutning til Sambandsins á vörusendingum frá tilteknum þriðju löndum vegna örverumengunar og um breytingu á reglugerð (EB) nr. 669/2009.

1. gr.

Ákvæði samningsins um Evrópska efnahagssvæðið sem vísað er til í I. kafla I. viðauka, skulu öðlast gildi með breytingum og viðbótum sem leiðir af I. viðauka, bókun 1 við samninginn og öðrum ákvæðum hans. Á grundvelli ákvörðunar sameiginlegu EES-nefndarinnar nr. 134/2007 frá 26. október 2007, öðlast eftirfarandi ESB-gerð gildi hér á landi:

Framkvæmdarreglugerð framkvæmdastjórnarinnar (ESB) 2017/186 frá 2. febrúar 2017 um sérstök skilyrði sem gilda um aðflutning til Sambandsins á vörusendingum frá tilteknum þriðju löndum vegna örverumengunar og um breytingu á reglugerð (EB) nr. 669/2009.

2. gr.

Framkvæmdarreglugerð framkvæmdastjórnarinnar (ESB) 2017/186 er birt sem fylgiskjal við reglugerð þessa.

3. gr.

Matvælastofnun og heilbrigðisnefndir sveitarfélaga undir yfirumsjón Matvælastofnunar fara með eftirlit með því að ákvæðum þessarar reglugerðar sé framfylgt vegna matvæla í samræmi við 6., 14. og 22. gr. laga nr. 93/1995 um matvæli, með síðari breytingum. Um eftirlitsgjald fer samkvæmt 25. gr. sömu laga.

4. gr.

Um brot gegn reglugerð þessari fer samkvæmt 30. gr., 30. gr. a – 30. gr. e og 31. gr. laga nr. 93/1995 um matvæli.

5. gr.

Reglugerð þessi er sett samkvæmt heimild í 31. gr. a laga nr. 93/1995 um matvæli. Reglugerðin öðlast þegar gildi. Á sama tíma fellur úr gildi reglugerð nr. 418/2016 um gildistöku framkvæmdarreglugerðar framkvæmdastjórnarinnar (ESB) 2016/166 um sérstök skilyrði sem gilda um innflutning á matvælum sem innihalda eða eru úr betallaufum (Piper Betle) frá Indlandi og um breytingu á reglugerð (EB) nr. 669/2009.

Atvinnuvega- og nýsköpunarráðuneytinu, 26. október 2017.

F. h. sjávarútvegs- og landbúnaðarráðherra,

Eggert Ólafsson.

Iðunn Guðjónsdóttir.

Fylgiskjal.**FRAMKVÆMDARREGLUGERÐ FRAMKVÆMDASTJÓRNARINNAR (ESB) 2017/186**

frá 2. febrúar 2017

um sérstök skilyrði sem gilda um aðflutning til Sambandsins á vörusendingum frá tilteknum þriðju löndum vegna örverumengunar og um breytingu á reglugerð (EB) nr. 669/2009.

(Texti sem varðar EES)

FRAMKVÆMDASTJÓRN EVRÓPUSAMBANDSINS HEFUR,

með hliðsjón af sáttmálanum um starfshætti Evrópusambandsins,

með hliðsjón af reglugerð Evrópuþingsins og ráðsins (EB) nr. 178/2002 um almennar meginreglur og kröfur samkvæmt lögum um matvæli, um stofnun Matvælaöryggisstofnunar Evrópu og um málsmeðferð vegna öryggis matvæla ⁽¹⁾, einkum ii. lið b-liðar 1. mgr. 53. gr.

með hliðsjón af reglugerð Evrópuþingsins og ráðsins (EB) nr. 882/2004 frá 29. apríl 2004 um opinbert eftirlit til að staðfesta að lög um fóður og matvæli og reglur um heilbrigði og velferð dýra séu virt ⁽²⁾, einkum 5. mgr. 15. gr.,

og að teknu tilliti til *efirfarandi*:

- 1) Í 53. gr. reglugerðar (EB) nr. 178/2002 er kveðið á um möguleika á að samþykkja viðeigandi neyðarráðstafanir Sambandsins vegna matvæla, sem flutt eru inn frá þriðja landi, til að vernda heilbrigði manna, heilbrigði dýra og umhverfið þegar ljóst er að um er að ræða alvarlega áhættu sem ekki er hægt að hafa fullnægjandi stjórn á með þeim ráðstöfunum sem aðildarríkin hafa gripið til hvert fyrir sig.
- 2) Í 11. gr. reglugerðar (EB) nr. 178/2002 er gerð sú krafa að matvæli, sem eru flutt inn í Sambandið til setningar á markað innan þess, skuli uppfylla viðeigandi kröfur í lögum um matvæli eða skilyrði sem Sambandið viðurkennir a.m.k. sem jafngild eða kröfur í samsamningi milli Sambandsins og útflutningslandsins ef slíkur samningur hefur verið gerður.
- 3) Í reglugerð Evrópuþingsins og ráðsins (EB) nr. 852/2004⁽³⁾ er mælt fyrir um almennar reglur fyrir stjórnendur matvælafyrirtækja að því er varðar hollustuhætti sem varða matvæli.
- 4) Í 11. gr. reglugerðar (EB) nr. 882/2004 eru fastsettar kröfur um sýnatöku- og greiningaraðferðir sem eru notaðar í tengslum við opinbert eftirlit.
- 5) Í 14. gr. reglugerðar (EB) nr. 178/2002 er kveðið á um að ekki skuli setja á markað matvæli sem ekki eru örugg. Samkvæmt reglugerð (EB) nr. 882/2004 eiga lögbær yfirvöld að sannprófa að stjórnendur matvælafyrirtækja fari að ákvæðum í löggið Sambandsins.
- 6) Í reglugerð framkvæmdastjórnarinnar (EB) nr. 669/2009⁽⁴⁾ er mælt fyrir um reglur um aukid, opinbert eftirlit með innflutningi á tilteknu föðri og matvælum, sem eru ekki úr dýraríkinu, sem eru skráð í I. viðauka við þá reglugerð.
- 7) Árum saman hefur hlutfall tilvika, þar sem ekki er farið að ákvæðum vegna örverufræðilegra öryggisþátta í tengslum við sesamfræ (fræ *Sesamum*) og betellauf (*Piper betle* L.) frá Indlandi, verið hátt. Af þeim sökum var aukin tíðni opinbers eftirlits með innflutningi á þessum matvælum, með tilliti til þess hvort *Salmonella* spp. væri fyrir hendi, fyrirskipuð á árinu 2014. Þetta aukna eftirlit hefur engu að síður staðfest hátt hlutfall tilvika þar sem þessi matvæli eru ekki í samræmi við örverufræðilegt öryggi vegna *Salmonella* spp. Innflutningur á þessum matvælum skapar því alvarlega áhættu fyrir lýðheilsu innan Sambandsins og því er nauðsynlegt að samþykkja neyðarráðstafanir Sambandsins.
- 8) Ábyrgðir frá lögbærum yfirvöldum útflutningslandanna um að þessi matvæli hafi verið framleidd í samræmi við ákvæði um hollustuhætti, sem komið var á í reglugerð (EB) nr. 852/2004, eru nauðsynlegar til að vernda heilbrigði manna í Sambandinu. Til að tryggja samræmda framfylgd innflutningseftirlits í öllu Sambandinu ætti heilbrigðisvottorð, sem er undirritað af lögbærum yfirvöldum útflutningslandanna, að fylgja öllum vörusendingum af slíkum matvælum ásamt niðurstöðum úr greiningarprófunum þar sem ábyrgst er að sýni hafi verið tekin úr þeim og þau greind, með fullnægjandi niðurstöðum, m.t.t. þess hvort örverufræðilegir sjúkdómsvaldar eru fyrir hendi.
- 9) Í 6. gr. reglugerðar (EB) nr. 669/2009 er gerð sú krafa að stjórnendur matvælafyrirtækja, sem bera ábyrgð á vörusendingum, sendi tilnefndum komustað fyrirframtilkynningu um komu slíkra sendinga og hvers eðlis þær eru.
- 10) Í 8. gr. reglugerðar (EB) nr. 669/2009 er gerð sú krafa, að því er varðar aukid opinbert eftirlit, að þetta eftirlit nái yfir sannprófun skjala og auðkenna og eftirlit með ástandi. Sannprófun skjala með öllum vörusendingum á að fara fram, án ótilhlýðilegrar tafar, innan tveggja virkra daga frá komutíma á tilnefndan komustað og sannprófun auðkenna og eftirlit með ástandi, þ.m.t. greining á rannsóknarstofu, með þeirri tíðni sem sett er fram í I. viðauka við þá reglugerð.
- 11) Til að tryggja skilvirka skipulagningu og samræmt eftirlit með innflutningi á vettvangi Sambandsins, að því er varðar hvort örverufræðilegir sjúkdómsvaldar eru fyrir hendi í tilteknum matvælum frá tilteknum þriðju löndum, ætti að mæla fyrir um sérstök innflutningsskilyrði fyrir slík matvæli. Vegna lagalegs skýrleika þykir rétt að safna saman í eina reglugerð öllum matvælum frá þriðju löndum sem falla undir sérstök skilyrði vegna örverufræðilegrar áhættu. Þess vegna ætti að fella ákvæði sem varða betellauf frá Indlandi, sem mælt er fyrir um í framkvæmdarreglugerð framkvæmdastjórnarinnar (ESB) 2016/166⁽⁵⁾, inn í þessa reglugerð og breyta ætti reglugerð (EB) nr. 669/2009 til samræmis við það.
- 12) Fella ætti framkvæmdarreglugerð (ESB) 2016/166 úr gildi og almennari reglugerð að koma samtímis í hennar stað þar sem mælt er fyrir um ákvæði að því er varðar innflutning á tilteknum matvælum frá tilteknum þriðju löndum vegna örverumengunar.
- 13) Ráðstafanir, sem kveðið er á um í þessari reglugerð, eru í samræmi við álit fastanefndarinnar um plöntur, dýr, matvæli og fóður.

SAMÞYKKT REGLUGERÐ ÞESSA:

1. gr.

Efni og gildissvið

Þessi reglugerð gildir um aðflutning matvælna sem eru tilgreind í I. viðauka.

2. gr.

Skilgreiningar

Að því er varðar þessa reglugerð gilda skilgreiningarnar sem mælt er fyrir um í 2. og 3. gr. reglugerðar (EB) nr. 178/2002, 2. gr. reglugerðar (EB) nr. 882/2004 og 3. gr. reglugerðar (EB) nr. 669/2009.

3. gr.

Aðflutningur til Sambandsins

Stjórnandi matvælafyrirtækis skal tryggja að:

- a) vörusendingar af matvælum, sem um getur í I. viðauka (matvæli), séu einungis fluttar inn í Sambandið í samræmi við málsmeðferðina sem mælt er fyrir um í þessari reglugerð,
- b) vörusendingar af matvælum séu einungis fluttar inn í Sambandið um tilnefndan komustað.

4. gr.

Niðurstaða úr sýnatöku og greiningu sem fylgir vörusendingunni.

1. Niðurstöður úr sýnatöku og greiningu, sem framkvæmdar eru af hálfu lögbærs yfirvalds í þriðja landi sem sendir vörurnar og staðfesta að hættan sem er tilgreind í I. viðauka sé ekki fyrir hendi, skulu fylgja hverri vörusendingu af matvælum.
2. Framkvæma skal sýnatökuna og greininguna sem um getur í 1. mgr. í samræmi við III. kafla, „Sýnataka og greining“, í II. bálki reglugerðar (EB) nr. 882/2004. Sýnatakan skal einkum framkvæmd í samræmi við viðeigandi ISO-staðla (Alþjóðlegu staðlasamtökin) og viðmiðunarreglur Alþjóðamatvælaskrárinna notaðar sem tilvísun og greining m.t.t. salmonellu skal framkvæmd samkvæmt greiningaraðferð EN/ISO 6579 (nýjasta uppfærða útgáfa greiningaraðferðarinnar) eða aðferð sem er fullgilt með samanburði við hana í samræmi við aðferðarlýsinguna í EN/ISO 16140 eða aðrar svipaðar alþjóðlega viðurkenndar aðferðalýsingar.

5. gr.

Heilbrigðisvottorð

1. Vörusendingum af matvælum, sem eru tilgreind í I. viðauka, skal fylgja heilbrigðisvottorð í samræmi við fyrirmyndina í III. viðauka.
2. Heilbrigðisvottorðið skal undirritað og stimplað af viðurkenndum fulltrúa lögbærs yfirvalds í þriðja landi sem sendir vörurnar.
3. Heilbrigðisvottorðið og fylgiskjöl þess skulu samin á opinberu tungumáli eða einu af opinberum tungumálum aðildarríkisins þar sem tilnefndur komustaður er staðsettur. Aðildarríkið sem tilnefndur komustaður er í getur hins vegar fallist á að heilbrigðisvottorð séu á öðru opinberu tungumáli Sambandsins.
4. Heilbrigðisvottorðið skal gilda í fjóra mánuði frá útgáfudegi en ekki lengur en sex mánuði frá dagsetningu síðustu örverufræðilegu greiningar á rannsóknarstofu.

6. gr.

Auðkenning

Sérhver vörusending af matvælum skal auðkennd með auðkenniskóða (vörusendingarkóða) sem samsvarar auðkenniskóðanum sem um getur í niðurstöðum sýnatökkunnar og greiningarinnar sem um getur í 4. gr. og heilbrigðisvottorðinu sem um getur í 5. gr. Sérhver poki eða annars konar pakking í vörusendingunni skal auðkennd með sama auðkenniskóða.

7. gr.

Fyrirframtilkynning um vörusendingar

1. Stjórnendur matvælafyrirtækja eða fulltrúar þeirra skulu senda lögbæru yfirvaldi á tilnefndum komustað fyrirframtilkynningu um áætlaðan komudag og komutíma vörusendinga af matvælum og um eðli sendingarinnar.
2. Að því er varðar fyrirframtilkynningu skulu stjórnendur matvælafyrirtækja eða fulltrúar þeirra fylla út I. hluta samræmda innflutningsskjalsins og senda það til lögbæra yfirvaldsins á tilnefndum komustað, a.m.k. einum virkum degi áður en vörusendingin kemur á staðinn.
3. Við útfyllingu samræmda innflutningsskjalsins skulu stjórnendur matvælafyrirtækja eða fulltrúar þeirra taka tillit til leiðbeininganna fyrir samræmda innflutningsskjalið sem mælt er fyrir um í II. viðauka við reglugerð (EB) nr. 669/2009.
4. Samræmd innflutningsskjöl skulu samin á opinberu tungumáli eða einu af opinberum tungumálum aðildarríkisins þar sem tilnefndur komustaður er staðsettur. Aðildarríkið sem tilnefndur komustaður er í getur hins vegar fallist á að samræmd innflutningsskjöl séu á öðru opinberu tungumáli Sambandsins.

8. gr.

Opinbert eftirlit

1. Lögbært yfirvald á tilnefndum komustað skal annast sannpröfun skjala fyrir hverja vörusendingu af matvælum til að tryggja að farið sé að kröfunum sem mælt er fyrir um í 4. og 5. gr.

2. Sannprófun auðkenna og eftirlit með ástandi matvælna skulu framkvæmd í samræmi við 8., 9. og 19. gr. reglugerðar (EB) nr. 669/2009 með þeirri tíðni sem mælt er fyrir um í II. viðauka við þessa reglugerð.

3. Ef niðurstöður úr sýnatöku og greiningu, sem um getur í 4. gr., og heilbrigðisvottorð, sem um getur í 5. gr., fylgja ekki með vörusendingu af matvælum eða ef þessar niðurstöður eða heilbrigðisvottorðið eru ekki í samræmi við kröfurnar sem mælt er fyrir um í þessari reglugerð skal ekki flytja vörusendinguna inn í Sambandið og skal hún endursend til þriðja lands sem er upprunaland eða henni fargað.

4. Eftir að sannprófun auðkenna og eftirliti með ástandi er lokið skulu lögbær yfirvöld:

- ylla út viðeigandi færslur í II. hluta samræmda innflutningsskjalsins,
- láta fylgja með niðurstöður úr sýnatöku og greiningu sem framkvæmd er í samræmi við 2. mgr. þessarar greinar,
- leggja fram samræmda innflutningsskjalið með tilvísunarnúmeri samræmda innflutningsskjalsins,
- stimpla og undirrita frumrit samræmda innflutningsskjalsins,
- taka og geyma afrit af undirritaða og stimplaða samræmda innflutningsskjalinu.

5. Frumrit samræmda innflutningsskjalsins og heilbrigðisvottorðsins, sem um getur í 5. gr., ásamt meðfylgjandi niðurstöðum úr sýnatöku og greiningu, sem um getur í 4. gr., skulu fylgja vörusendingunni meðan á flutningi hennar stendur þar til hún er afgreidd í frjálst flæði. Ef um er að ræða heimild til frekari flutnings á vörusendingum meðan beðið er eftir niðurstöðum úr eftirliti með ástandi skal gefa út staðfest afrit af upprunalega samræmda innflutningsskjalinu. Þegar heimild er veitt skal lögbært yfirvald á tilnefndum komustað tilkynna lögbæru yfirvaldi á ákvörðunarstað um það og skal þá gera viðeigandi ráðstafanir til tryggja að vörusendingin sé áfram undir samfelldu eftirliti lögbæru yfirvaldanna og að ekki sé hægt að eiga við hana á nokkum hátt á meðan beðið er eftir niðurstöðum úr eftirliti með ástandi.

9. gr.

Vörusendingu skipt upp

1. Vörusendingum skal ekki skipt upp fyrr en öllum skoðunum er lokið og lögbær yfirvöld á tilnefndum komustað hafa að fullu fyllt til samræmda innflutningsskjalið eins og kveðið er á um í 8. gr.

2. Ef vörusendingunni er síðar skipt upp skal staðfest afrit af samræmda innflutningsskjalinu fylgja hverjum hluta sendingarinnar meðan á flutningi stendur og þar til hún er afgreidd í frjálst flæði.

10. gr.

Afgreiðsla í frjálst flæði

Vörusendingar af matvælum, sem eru tilgreind í I. viðauka, skulu afgreiddar í frjálst flæði með fyrirvara um að stjórnendur matvæla-fyrirtækja eða fulltrúar þeirra afhendi töllyfirvöldum (í eigin persónu eða rafrænt) samræmt innflutningsskjal, sem lögbært yfirvald á tilnefndum komustað hefur fyllt út á tilhlýðilegan hátt, þegar öllu opinberu eftirliti er lokið og hagstæðar niðurstöður vegna eftirlits með ástandi liggja fyrir, sé slíks eftirlits krafist. Töllyfirvöld skulu eingöngu afgreiða vörusendinguna í frjálst flæði ef ákvörðun lögbæra yfirvaldsins, sem kemur fram í reit II.14 og er undirrituð í reit II.21 í samræmda innflutningsskjalinu, er jákvæð.

11. gr.

Ef ekki er farið að tilskildum ákvæðum

Ef opinbert eftirlit leiðir í ljós að ekki hefur verið farið að viðeigandi ákvæðum í reglugerð (EB) nr. 852/2004 skal lögbært yfirvald á tilnefndum komustað fylla út III. hluta samræmda innflutningsskjalsins og skal grípa til aðgerða eins og mælt er fyrir um í ákvæðum 19., 20. og 21. gr. reglugerðar (EB) nr. 882/2004.

12. gr.

Skýrslur

Aðildarríkin skulu leggja fyrir framkvæmdastjórnina skýrslu með öllum niðurstöðum greininga á sendingum af matvælum skv. 8. gr. þessarar reglugerðar.

Skýrslan skal ná yfir sex mánaða tímabil og skal lögð fram tvisvar á ári fyrir lok fyrsta mánaðar eftir lok hvers sex mánaða tímabils.

Í skýrslunni skulu koma fram eftirfarandi upplýsingar:

- fjöldi vörusendinga sem eru fluttar inn, þ.m.t. stærð, gefin upp sem eigin þyngd, og upprunaland hverrar vörusendingar,
- fjöldi vörusendinga sem sýni voru tekin úr til greiningar,
- niðurstöður úr sannprófun auðkenna og eftirliti með ástandi sem um getur í 2. mgr. 8. gr.

13. gr.

Kostnaður

Stjórnendur matvælafyrirtækja skulu bera allan kostnað sem fellur til vegna opinbera eftirlitsins sem kveðið er á um í 8. gr., þ.m.t. sýnataka, greining, geymsla og allar ráðstafanir sem gripið er til ef ákvæðum er ekki fylgt, eins og um getur í 11. gr.

14. gr.

Umbreytingarráðstafanir

Aðildarríkin skulu heimila aðflutning á vörusendingum af matvælum sem fóru frá þriðja landi, sem sendir vörunnar, fyrir gildistöðudag þessarar reglugerðar án meðfylgjandi heilbrigðisvottorðs, eins og um getur í 5. gr., og niðurstaðna úr sýnatöku og greiningu eins og um getur í 4. gr.

15. gr.

Niðurfelling

Framkvæmdarreglugerð (ESB) 2016/166 er felld úr gildi.

16. gr.

Breyting á reglugerð (EB) nr. 669/2009

Reglugerð (EB) nr. 669/2009 er breytt í samræmi við IV. viðauka við þessa reglugerð.

17. gr.

Gildistaka

Reglugerð þessi öðlast gildi á tuttugasta degi eftir að hún birtist í *Stjórnartíðindum Evrópusambandsins*.

Reglugerð þessi er bindandi í heild sinni og gildir í öllum aðildarríkjunum án frekari lögfestingar.

Gjört í Brussel 2. febrúar 2017.

Fyrir hönd framkvæmdastjórnarinnar,

forseti.

Jean-Claude JUNCKER

⁽¹⁾ Stjtið. ESB L 31, 1.2. 2002, bls. 1.

⁽²⁾ Stjtið. ESB L 165, 30.4. 2004, bls. 1.

⁽³⁾ Reglugerð Evrópuþingsins og ráðsins (EB) nr. 852/2004 frá 29. apríl 2004 um hollustuhætti sem varða matvæli (Stjtið. ESB L 139, 30.4.2004, bls. 1).

⁽⁴⁾ Reglugerð framkvæmdastjórnarinnar (EB) nr. 669/2009 frá 24. júlí 2009 um framkvæmd reglugerðar Evrópuþingsins og ráðsins (EB) nr. 882/2004 að því er varðar auðið, opinbert eftirlit með innflutningi á tilteknu fæði og matvælum, sem eru ekki úr dýraríkinu, og um breytingu á ákvörðun 2006/504/EB (Stjtið. ESB L 194, 25.7.2009, bls. 11).

⁽⁵⁾ Framkvæmdarreglugerð framkvæmdastjórnarinnar (ESB) 2016/166 frá 8. febrúar 2016 um sérstök skilyrði sem gilda um innflutning á matvælum sem innihalda eða eru úr betellaufum (*Piper betle*) frá Indlandi og um breytingu á reglugerð (EB) nr. 669/2009 (Stjtið. ESB L 32, 9.2.2016, bls. 143).

I. VIÐAUKI

Skrá yfir matvæli sem getið er í 1. gr.

Matvæli (fyrirhuguð notkun)	SN-númer ⁽¹⁾	TARIC- undirskipting	Upprunaland	Hætta
Sesamfræ (Matvæli - fersk eða kæld)	1207 40 90		Indland (IN)	Salmonella
Betellauf (<i>Piper betle</i> L.) (Matvæli)	úr 1404 90 00	10	Indland (IN)	Salmonella

(1) Ef einungis er farið fram á að tiltekna afurðir, sem falla undir SN-númer, séu skoðaðar og engin sérstök skipting samkvæmt þessu númeri er til er SN-númerið merkt með „úr“.

II. VIÐAUKI

Tíðni sannprófunar auðkenna og eftirlits með ástandi matvællanna, sem getið er í 1. gr., á tilnefndum komustað skv. 2. mgr. 8. gr.

Matvæli (fyrirhuguð notkun)	SN-númer ⁽¹⁾	TARIC- undirskipting	Upprunaland	Hætta	Tíðni eftirlits með ástandi og sannprófunar auðkenna (%)
Sesamfræ (Matvæli - fersk eða kæld)	1207 40 90		Indland (IN)	Salmonella ⁽²⁾	20
Betellauf (<i>Piper betle</i> L.) (Matvæli)	úr 1404 90 00	10	Indland (IN)	Salmonella ⁽²⁾	10

(1) Ef einungis er farið fram á að tiltekna afurðir, sem falla undir SN-númer, séu skoðaðar og engin sérstök skipting samkvæmt þessu númeri er til er SN-númerið merkt með „úr“.

(2) Tilvísunaraðferð EN/ISO 6579 (nýjasta uppfærða útgáfa greiningaraðferðarinnar) eða aðferð sem er fullgilt með samanburði við hana í samræmi við aðferðarlýsinguna í EN/ISO 16140 eða aðrar svipaðar alþjóðlega viðurkenndar aðferðalýsingar.

III. VIÐAUKI

Heilbrigðisvottorð vegna aðflutnings á betellaufum og sesamfræjum frá Indlandi til Evrópusambandsins

LAND:

Heilbrigðisvottorð til ESB

I. HLUTTI: Upplýsingar um vörusendingu	I.1. Sendandi Heiti Heimilisfang Land Sími				I.2. Tilvísunarnúmer vottorðs		I.2.a.		
					I.3. Lögbært stjórnvald				
					I.4. Lögbært staðaryfirvald				
	I.5. Viðtakandi Heiti Heimilisfang Land Sími				I.6.				
	I.7. Upprunaland		ISO-kóði	I.8. Upprunasvæði		Kóði	I.9. Viðtökuland		
							I.10.		
	I.11. Upprunastaður Heiti Heimilisfang				I.12.				
	I.13. Fermingarstaður Heimilisfang				I.14. Brottfarardagur		Brottfarartími		
	I.15. Flutningatæki Flugvél <input type="checkbox"/> Skip <input type="checkbox"/> Jámbrautarvagn <input type="checkbox"/> Ökutæki <input type="checkbox"/> Annað <input type="checkbox"/> Auðkenning: Skjal:				I.16. Tilnefndur komustaður í ESB			I.17. CITES-nr.	
	I.18. Lýsing á vöru				I.19. Vörunúmer (ST-númer)		I.20. Magn		
I.21.				I.22. Fjöldi pakkninga		I.24.			
I.23. Nr. innsiglið/gáms				I.25. Vörur sem eru vottaðar: Til mannelis <input type="checkbox"/>					
I.26.				I.27. Til innflutnings eða inntöku í ESB <input type="checkbox"/>					
I.28. Auðkenning varanna Heiti vöru				Tegund umbúða		Fjöldi pakkninga			
						Eigin þyngd			

LAND

II. hluti: Vottun	II. Upplýsingar um heilbrigði	II.a. Tilvísunarnúmer vottorðs	II.b.
	<p>II.1 Heilbrigðisvottun Ég, undirritaður, viðurkenndur fulltrúi lögbærs yfirvalds, lýsi því yfir að mér er kunnugt um þau ákvæði í reglugerðum (EB) nr. 852/2004 og (EB) nr. 882/2004 sem skipta máli og votta hér með að:</p> <p>II.1.1 Matvælin í vörusendingunni, sem er lýst í I. hluta, voru framleidd við skilyrði sem eru í samræmi við reglugerð (EB) nr. 852/2004.</p> <p>II.1.2 Sýnataka úr þessari vörusendingu og greining fóru fram í samræmi við 4. gr. framkvæmdarreglugerðar (ESB) 2017/186(dagsetning), og greining á rannsóknarstofu fór fram (dagsetning) (heiti rannsóknarstofu).</p> <p>Upplýsingar varðandi sýnatöku, greiningaraðferðir sem notaðar voru og allar niðurstöður, sem sýna að salmonella er ekki fyrir hendi í 25 g, fylgja með.</p> <p><i>Athugasemdir</i></p> <p>Þetta heilbrigðisvottorð gildir í fjóra mánuði frá útgáfudegi.</p> <p>I. hluti: Reitur I.19: Nota skal viðeigandi númer úr samræmdri tollskrá (ST-númer) Alþjóðatollastofnunarinnar: 14049000 fyrir betellauf (<i>Piper betle</i> L.) og 1207 40 90 fyrir sesamfræ (fræ <i>Sesamum</i>)</p>		
<p>Viðurkenndur fulltrúi lögbærs yfirvalds</p> <p>Nafn (með hástöfum): _____ Menntun, hæfi og titill: _____</p> <p>Dagsetning: _____ Undirskrift: _____</p> <p>Stimpill: _____</p>			

IV. VIÐAUKI

Í I. viðauka við reglugerð (EB) nr. 669/2009 falli eftirfarandi færsla brott:

„Sesamfræ (Matvæli – fersk eða kæld)	1207 40 90		Indland (IN)	Salmonella (12)	20“
--	------------	--	--------------	-----------------	-----